

金

罍

子

金壘子中篇卷之二十一

明上虞陳絳用楊甫著

會稽陶望齡周聖甫閱

同邑車任遠遠之甫校

男陳昱輯

女媧  
非婦  
人名

宋俞琰席上腐論曰女媧繼伏羲王天下後世以女媧爲古聖女伏羲之妹顓頊之母豈其然乎且夫女名女媧猶國名女真又左氏所謂女艾莊子所謂女偶女商孟子所謂馮婦果皆婦人乎此說殊

有理。但不可復攷耳。又記但稱女媧亦風姓。蛇身人首。有神聖之德。代宓義立一號女希。初不著其爲女婦。及代伏羲有天下之故。蓋以世遠莫能質言也。

堯典親九族古文注。謂上從高祖。下至玄孫。而詩小序。葛藟棄其九族。毛傳。謂據已上至高祖。下及玄孫之親。言親者。謂同出於高祖者。當皆親之是也。今文歐陽說。乃連異姓之有親屬者。曰父族四五屬之內。爲一族。父女昆弟適人者。與其子爲一族。

已女昆弟適人者。與其子爲一族。已之女適人者。與其子爲一族。母族三母之父姓爲一族。母之母姓爲一族。母女昆弟適人者爲一族。妻族二妻之父姓爲一族。妻之母姓爲一族。孔穎達曰。禮女子雖適人。字猶繫姓。明不與父兄爲異族。其子則異耳。婚禮請期曰。惟是三族之不虞。謂欲及今三族未有不億度之事。而迎婦也。如三族當有異姓。異姓服皆總麻。總麻之服。不禁嫁娶。是爲異姓不在族中明矣。喪服小紀說族之義曰。親親以三爲五。

以五爲九。以此言之。知高祖至玄孫昭然察矣。朱子亦曰。不若從古注。史記荆軻之湛七族。張晏曰。上至曾祖。下至曾孫。司馬貞曰。父之姓一也。姑之子二也。姊妹之子三也。女之子四也。母之姓五也。從子六也。及妻父母。凡七族也。然從子非父姓乎。賈誼新書六親。應劭曰。父母兄弟妻子。後漢黨錮傳。鈞黨諸附從者。錮及五屬。章懷太子賢注。謂五服內親。儀禮士昏禮。請期曰。惟是三族之不虞。康成注。謂父昆弟。已昆弟子昆弟。而禮記仲尼燕居。

篇以之閨門有禮。則三族和。鄭注父子孫。孔疏曰。兩注異者。彼謂請期。恐有替喪廢昏。故云三族皆據期喪者。與此不同。然皆是已族至親。而史記秦文公二十年。始有三族之罪。張晏曰。父母兄弟妻。子如浮。則曰父族母族妻族。大抵言族皆主同姓。孔氏之辨據學矣。然親雖九族。苟不止於同姓。不失爲推恩之厚。如夷三族。苟遂及於異姓。雖其秦人之虐。恐或未至於此。

上古簡質。有名亡諱。雖帝王亦以名行天下。帝堯是

也。士高曰堯義止斯矣。謚昉於周。今日堯謚。又謂翼善傳聖曰堯。夫堯謚舜作也。乃方謚堯。逆以聖善自謚乎。放勳史贊堯之烈。太史公曰名尤失之。許由。楊子雲云。無是事。太史公並疑其無是人。今考春秋傳。許太岳之胤。杜注云。堯四岳。高士傳云。堯召許由爲九州長。九州長亦四岳也。則疑於有是人矣。帝將禪位。首咨四岳曰。朕在位七十載。汝能庸命。巽朕位。四岳曰。否。德泰帝位。曰。明明揚側陋。師錫。帝曰。有鰥在下。曰。虞舜則遜位許由。且亦有

巢父池主

是事矣。惟四岳自知其不可。獨命卽辭。又能舉在下之鰥。以當帝堯之舉。堯亦不疑而遂用之。卒禪帝位而有天下。此所謂爲天下得人而仁之大也。莊周曰。帝授天下於許由。許由不受。耻之。逃隱。則罔誣矣。

陳思王許由巢父池主贊曰。堯禪許由。巢父是耻。穢其園。聽臨河洗耳。池主是讓。以水爲濯。嗟此三士。清足厲俗。按嵇康高士傳。許由字武仲。隱乎沛澤之中。堯致天下而讓焉。由廼去宿於逆旅之家。旦



而遺其皮冠巢父堯時隱人年老以樹爲巢寢其上故人號爲巢父堯之讓許由也由告巢父巢父以爲汚乃臨池水而洗其耳池主怒曰何以汚我水由廼退而遯耕於中岳潁水之陽箕山之下今人但知巢由傲堯不悟且有池主也然其事益荒唐矣

人死則魂升於天魄降於地故書稱堯二十有八載放勳廼徂落徂言升落言降也又必其魄神先游而後體魄從之故敘舜曰五十載陟方乃死陟方

後人  
因謂  
鯀與  
舜禹  
同在  
祀典

言祖死言落也。後世於帝王之歿，乃尊稱謚或稱  
祖。或云登假，或云升遐，或云崩，然無不可。或曰舜  
陟方乃死，言舜升於天而死也。猶詩言文王配天，  
明聖王之歿與衆異耳。疑於文義爲複。然古人  
文句亦多有。呂不韋謂王季薨而死，本味賈誼謂  
越王勾踐崩而死，耳庠是也。

祭法舜勤衆事而野死，句謂舜鯀障鴻水而殛死，禹  
能修鯀之功，句謂禹後人誤讀鯀障鴻水而殛死。  
句因謂鯀與舜禹同在祀典。孔疏云鯀塞水而無

功而被堯殛死于羽山。亦是有微功于人。故得祀之。若無微功焉。能治水九載。夫祭法六典。登微功乎。使鯀尚有功。則且法應入議。何遽名隸四凶。豈所謂罪疑惟輕。功疑惟重乎。此一人一事。當時爲罪。則屏諸四裔。後世爲功。則祀通萬禩。彼謂得禮。則此謂失刑矣。孔疏又以死勤事。謂舜及鮌。冥夫三人者。非惟事不同。實抑固語不同。文。舜勤衆事。而野死。冥勤其官。而水死。故曰以死勤事也。鮌墮鴻水而殛死。尚庸稱勤乎。

誅死  
繇非

鄭玄答趙商曰。繇非誅死。繇放君。更立王。更不得反。於朝。禹乃其子也。以有聖功。故堯興之。若以爲殺。人父用其子。禹舜何以忍乎。而尚書云。繇則殛死。禹乃嗣興者。箕子見武王誅紂。今與已言。懼其意。有慚德爲說。父不肖。獲罪其子。賢則慕之以滿武王意也。子按舜殛。繇於羽山。原非死刑。而曰繇則殛死。殛死者。謂終死于殛所。鄭說是已。至言廢父興子。若以歆動武王。謂已之於紂者。此則忘情故國。希思新朝。箕子何以有此乎。

或曰禹知鯀不能治水何不以不諫

或曰禹知鯀不能治水禹何以不諫曰按鯀方命圯族方命則自專圯族則自用以其剛愎忿戾雖君臣上下同朝之言且或不能矯其違豈禹爲人子而能救之然洪範稱鯀則殛死禹乃嗣興是鯀死于殛也不知鯀一殛幾年乃死鯀死後幾年禹興據禹初治水娶于塗山甫四口所謂國君十五而生子冠而生子則昏娶又當蚤年又須服鯀三年喪畢然後娶則方鯀治水時禹蓋幼也

書驩兜舉共工在四岳舉鯀治水之前而共工下有

共工在  
四岳  
華縣  
治水  
之前

重出下文滔天二字。或曰狀其過惡漫于天也。然  
不容一辭而彼此兩義。今春秋識云共工理水。國  
語周太子晉亦曰。晉共工虞于湛樂。淫泆其身。欲  
壅防百川。墮高堙庳。以害天下。皇天弗福。庶民弗  
助。禍亂並興。共工用滅。其在有虞。有密伯鯀播其  
淫心。稱遂共工之過。堯用殛之羽山。則謂堯先使  
共工治水弗效。因滅共工而後用鯀。豈書文脫誤  
耶。世遂謂共工水官。然堯命人治水。不應徒以官  
使之。其後舜又命垂共工。無水事也。曲禮六工。水

無與焉

語類  
謂砥  
柱銘  
上是  
有箇  
文字  
上說  
得

語類謂砥柱銘上說禹掛冠莫顧過門不入掛冠是有箇文字上說得今記不得今按鴻烈解原道訓云禹之趨時也履遺而弗取冠掛而弗顧鹽鐵論文學曰禹歷洪水身親其勞澤行露宿過門不入當此之時簪墜不掇冠掛不顧豈朱子所謂有箇文字上說得者

夏啓  
獻犧  
於益

越絕書曰夏啟獻犧於益啟者禹之子益與禹臣於舜舜傳之禹薦益而封之百里禹崩啟立曉知王

太伯  
三以  
天下  
讓

事達於君臣之義。益死之後。啟歲善犧牲以祠之。  
故經曰。夏啟善犧牲於益。啟與益君臣始終如此。啟  
之敬承。益益之教也。猶伊尹之於太甲。周公之於  
成王。與其避之箕山。亦伊尹之復政。周公之明農。  
與大紀云。伯益歸政。就國於箕山之陰。然則竹書  
云。益干啟位。啟殺之。何物語也。

伊川云。太伯三以天下讓者。立文王則道被天下。故  
太伯以天下之故而讓之也。不必革命。使紂賢則  
文王爲三公矣。按伊川此說。與朱子異。明道云。太



伯知王季之賢必能開基成王業故爲天下而三  
讓之言其公也明道之旨與伊川同而稍不若伊  
川之密南軒之說又衍伊川曰太伯知文王有聖  
德天之所命當使天下被其澤故致國于王季爲  
文王也故曰以天下讓言其至公之心爲天下而  
讓也或曰太伯之心知文王得國則周有天下乎  
非然也以是存心則是利天下者也

論語或問謂太伯父死不赴而不得爲不孝按韓詩  
外傳太伯之吳太王將死謂季曰我死汝往讓兩

或問太伯父死不赴不得爲不孝

兄彼卽不來汝有義而安太王薨季之吳告伯仲  
伯仲從季而歸羣臣欲伯之立季季之讓伯伯謂  
仲曰何以處之仲曰刑有所謂矣要於扶微者可  
以立季季遂立太伯反吳吳以爲君太王將死之  
言與季於其親之喪遽舍其倚廬而之吳皆不可  
爲事實然觀此則伯仲固嘗變歸周矣王克論  
衡昔太伯見王季有聖子文王知太王意欲立之  
入吳采藥斷髮文身以隨吳俗太王薨太伯還王  
季避王太伯再讓王季不聽三讓曰吾之吳越吳

糟丘生乎  
爇生乎  
炮烙生乎  
熱升

越之人斷髮文身。吾刑餘之人。不可以爲宗廟社稷主。王季知不可。權而受之。此論始末。視韓詩更詳。益可見伯於父死。而末有不赴事也。

淮南子糟丘生乎象褚。炮烙生乎熱升。皆用紂事。而熱升未詳所出。注但言庖人進炙於紂。熱以爲惡。以熱升殺之。因熱升可以殺人。故起炮烙。亦不言熱升何物。按殷本紀紂時。諸侯咸叛。妲己以爲罰輕。乃爲熨斗。云云則知熱升卽熨斗耳。鄒誕生云。見蟻布銅升。足廢而死。於是爲銅烙。炊炭其下。使

罪人步其上

唐虞之世八元八凱雖各同出一父未必一母周有  
八士蓋一母而又四乳所生可謂豐矣孔子紀  
之以見周室之盛非特得材多乃天之生有亦媿  
美唐虞也故董子繁露云傳曰周國子多賢蕃殖  
至于駢厚男者四產而得八男皆君子俊英也今  
此天之所以興周國也得其指矣八士宋王伯厚  
引周書武籍篇尹氏八士注武王賢臣晉語詢于  
八虞注周八士皆在虞官以爲當在文武時近時

成都楊用修則云。周書克殷解乃命南宮忽振鹿臺之財。乃命南宮伯達遷九鼎。三巫疑南宮忽卽仲忽。南宮伯達卽伯達也。尚書有南宮括疑卽伯適則八士者。南宮氏也。按兩人同據一書而一以爲尹氏一以爲南宮氏。今亦莫適考正。然其散財遷門正皆在武王克殷之際。君奭敘文王修和有夏已有南宮括以爲文武時人近之而用修依式說反以爲成王時人何哉。按國語詢于八虞咨于二虢度于閔天謀于南宮。肅氏解云八虞周八士

三

三

皆在虞官。南宮南宮适也。既詢于八虞。而又曰謀于南宮。則南宮之不八虞。賁矣。

微子去之。

云

自輕而重。豈紂之惡。亦以漸而甚與。

書微子謀于箕子。比干以箕子言而去。它書亦言。

武王觀兵于商。聞其殺王子比干而入。則三仁之。

次第明矣。微子去之初。不言奔周。孔穎達正義曰。

微子啟知紂必亡。告太師父師。而遁於荒野。非去。

紂。卽奔周也。武王既克殷。微子乃歸之。僖六年。楚。

子問諸逢伯。對曰。昔武王克殷。微子面縛啣璧。武。

王親釋其縛。受其璧而祓之。使復其所。史記宋世家云。武王克紂。微子啟乃持其祭器。造於軍門。肉袒面縛。左牽羊。右把茅。膝行而前。以告。武王乃釋微子。復其位如故。是言微子克殷。始歸周也。馬遷之書。辭多錯繆。面縛縛手於後。故曰啣其璧。又安得左牽羊。右把茅也。要言歸周之事。是其實耳。樂語云。武王下車。而投殷之後。於宋。投者。舉徙之詞。時武庚已封於殷墟。爲殷後。傳言復其位者。什之使從本爵。復其卿大夫之位。未及封也。以其終爲

殷後故云投殷之後蓋武庚誅乃因舊宋命微子  
爲公令爲湯後耳不繼紂也按言微子歸周事莫  
詳於此劉歆亦曰古者同姓雖危不去國微子紂  
庶兄也何入周之有論語云去之者去紂都也雖  
去不踰周斯仁矣得其指矣

冊鉛錄云史記宋世

家武王克商微子肉袒面縛左牽羊右把茅亡弟

恒讀史至此謂予曰微子有四手兄知之乎予曰  
書傳未聞廼笑曰使無四手何以旣面縛而又有  
左手牽羊右手把茅乎按斯語錯繆正義已言之



文王 先已 生伯 考 武王 生 唐 虞 食薇

日面縛縛手於後故口御其壁又安得左牽羊右把茅也揚恒偶見此疏而藉口讀史以誇其兄升庵亦偶弗察耳

文王十五生武王然先已生伯邑考矣鄭康成曰文王十三生伯邑考武王八十四生成王然後又生唐叔虞

古史攷伯夷叔齊采薇而食之野有婦人曰子義不食周粟此亦周之草木也於是三子餓而死風俗通鮑焦耕田而食穿井而飲非妻所織不衣餓于

伯夷  
讓國  
不意  
還是  
避紂

山中食棗。或問之。此棗。妻子所種耶。遂嘔吐立枯而死。三秦記則又謂夷齊食薇三年。顏色不變。武王戒之不食而死。

永嘉張君純云。伯夷之讓國。以父命為尊。固是。但其本意。還是避紂。若不去。則必北面紂矣。惡人之朝。不可立也。伯夷為諸侯人心必歸之。何以自處。只得讓國。以全其清。若云叩馬而諫。孔孟之言。未有及者。謝景平謂其初出於莊周。司馬遷遂作列傳。韓昌黎作頌。事傳三人。而空言成實。黃山谷謂三

家之學皆有罪於聖人者也。以謝氏之論。謂篤信好學。

太公  
為齊  
太祖

太公封於齊。為齊太祖。故後世尊之曰太公。亦猶田和篡齊。為田齊太祖。故亦曰太公也。曰太公望。曰周公旦。曰召公奭。或號或爵。以名配之。故知望為太公。名無疑。齊世家謂文王獵得太公。曰吾太公望子久矣。故名之曰太公望。此說殆非也。

成王剪桐葉封弟戲也。而周公曰。天子無戲言。乃封小弱弟於唐。柳子厚曰。周公乃成其不中之戲。是

周公教王遂過也。孟母買豕肉啖子。欲視之。無誑。而東萊先生曰。一誑成兩誑。最是入小人之徑路。兩論極精嚴。

呂刑一篇。顓為祥刑。而言之無已者。乃曰典獄非訖。于威惟訖。于富曰惟時。庶威奪貨。曰五過之疵。惟官惟反。惟內惟貨。惟來曰獄貨非寶。惟府辜功。蓋人情一為利誘。則官威不恪。民罪使以貨免。則王法不行。故戒之。然其首為贖法。五刑之疑。其罰百鍰。至千鍰。非貨理富耶。夫王者躬自為弔。獄何以

禁切其下

管子  
論民  
毋太  
過上  
毋赦

管子論民毋大過上毋赦也上赦小罪則民多重罪  
積之所生也故曰赦出則民不敬惠行則過日益  
又曰凡赦者小利而大害者也故久而不勝其禍  
毋赦者小害而大利者也故久而不勝其福故赦  
者奔馬之委轡毋赦者墜騅之礦石也又曰文三  
脩武無一赦惠者多赦者也先易而後難久而不  
勝其禍法者先難而後易久而不勝其福故惠者  
民之仇讐也法者民之父母也其大旨則以風人

主慎毋赦其察治理則省矣至行之治齊乃曰  
兵未足請薄刑罰以治甲兵於是死罪不殺刑罪  
不罰使一以甲兵贖是又何說哉昔唐虞之世五  
刑無贖法周穆王始爲贖然猶五刑之疑者赦不  
罰之亦庶幾罪疑惟輕之意先儒猶以爲雖大辟  
亦贖引蕭長倩之言謂開利路以傷治化況概死  
罪刑罪而一聽其贖勿問其疑與實矣是慕小利  
而忘大害也是赦小過而貽重罪也其爲奔馬之  
委轡主民之仇讐不愈甚乎

古人重壽。壽古人見其君父。凡所嚴事。則稱壽。舉觴必壽。隨在致祝。非必其始生之日。與夫登秩之年也。然其爲詞益異矣。齊桓公嘗與羣臣飲酒。酣謂鮑叔曰。圖不起爲寡人壽乎。鮑叔捧觴而起曰。使君毋忘出如莒時也。使管子毋忘束縛在魯也。使甯戚毋忘飯牛車下也。桓公辟席再拜曰。寡人與二大夫無忘夫子之言。則國之社稷必不危矣。嘗田至於麥丘。見麥丘邑人年焉。對曰。八十三矣。公曰。美哉壽乎。子以其壽壽寡人。麥丘邑人曰。祝主君。

宋伐杞狄伐邢桓公弗救

使主君甚壽金玉是賤人爲寶祝主君無壽無惡下問賢者在旁諫者得入祝主君使主君無得罪於羣臣百姓公曰善賴國家之福社稷之靈使寡人得吾子於此觀二人之稱壽桓公所謂壽不踰德頌却是規也

宋伐杞狄伐邢衛桓公弗救裸體紉胸稱疾召管仲曰姑樂乎管子諾於是令之懸鍾磬之棖陳歌舞竿瑟之樂羣臣進諫請救三國而不許也宋已取杞狄已拔邢衛矣桓公起行筍簎之間視管子曰



樂夫管子曰此哀也非樂也於是定三君之處始封三國其始封三國也天下潢然皆以爲桓公之仁也故恩加乎三國而義行乎諸侯矣然其封之孰與夫始救之救之則宋毋以有杞狄毋以有邢衛也杞與邢衛則先王之封國也宋已有杞狄已  
有邢衛而復封之則齊之封之也夫持危孰與興之於滅繼之於絕則其德齊也始弘此桓公管仲君臣所以夙暮計者不然宋伐杞狄伐邢衛而桓公不之救且乘以爲樂管仲覆以爲慶何哉得微

傳公

二年

冬十

月不

雨至

六月

雨

多寇之虐而以大其功幸隣之福而以彰其德與  
說林晉人伐邢齊桓公將救之鮑叔曰大盛而不  
亡晉不敵齊不重且夫持危之功不如存亡之德  
大君不知救救以敵晉齊定利行邢亡而復存之  
其名是美桓公乃弗救鮑叔之謀亦管仲之故知  
也蓋桓公君臣夙夕圖謀每如此

春秋傳公二年冬十月不雨三年春正月不雨夏四  
月不雨六月雨穀梁子曰不雨者勤雨也每時而  
一書閔雨也閔雨者有恩乎民者也胡氏據詩稱

公節用愛民務農重穀爲有志乎民之實。予謂此特其居常事耳。後漢書黃瓊上疏曰。昔魯僖遇旱。以六事自讓。躬節儉。閉女謁。放讒佞者十三人。誅稅民受貨者九人。退舍南郊。天立大雨。注引春秋考異。鄒曰。僖公之時。雨澤不澍。比于九月。人大驚。懼。率羣臣禱山川。以六過自讓。絀女謁。放下讒佞。郭都之等十三人。誅領人之吏受貨賄。趙祝等九人。曰。幸在寡人。方今天旱。野無生稼。寡人當死。百姓何謗。請以身塞無狀。觀此。則僖公所以閔雨勤。

宋  
其大  
夫何  
以不  
名

民者如是此固春秋之所賢也其云不澍比于九月蓋自先十月不用至六月而正得九閏月云

公羊傳僖公二十五年宋殺其大夫何以不名宋三世無大夫三世內娶也內娶而不名其大夫不名之者不臣之也是以臣其妻父爲不可矣昔陳勝立爲王其妻之父兄往焉勝以衆賓待之長揖不拜其妻之父怒而去之陳王跪謝遂不爲顧勝慙焉問於博士孔子魚子魚對民王之所問者善也今以禮言耶則禮無不拜且宗族婚姻又與衆賓

畢敬者也。敬而加親。自古以然也。昔唐之內親九族外協萬邦。禮以婚爲昆弟。妻之父母爲外舅姑。由是觀之。則拜之可矣。夫婚親之義。非宗賢之類也。雖自己臣。莫敢不敬。子魚之對。亦公羊之旨耶。然予以爲勝匹夫之雄。不成爲王。乃子魚則固已儼然王之已。王之則率士皆臣也。奚妻之父之有。惟古者始封之君。不臣諸父。以勝擬於始封之君。以妻之父。況於諸父可矣。奚什此而疊疊也。且諸侯必無內娶。則天子於何娶之。公羊之說固不行。

謚法  
布德  
執義  
曰穆  
名實  
過爽  
曰繆

矣。或曰：然則勝之不拜也禮乎？曰：非一也。天子諸侯於其妻之父，臣之可也；拜之亦可也。以臣也，則周公也；臣成王微子也；臣紂，奚妻之父而不可乎？以拜也，則禹也；拜皐陶、太甲也；拜伊尹。奚天子諸侯之妻之父而不可乎？

謚法。蔡邕獨斷謂布德執義曰穆，名實過爽曰繆。蓋二謚也。秦穆公，一曰繆公。唐皮日休著論以爲公知晉公子重耳之賢不立，乃聽公子摯先置夷吾，是爲惠公。晉亂十五年，以謚繆爲定。夫秦人謚秦

君。廼外取它國之事。謂不能爲晉廢昏舉明。易亂爲治者。斯豈當時諸臣稱誅本意乎。攷史記秦蒙毅將伏誅曰。昔秦穆公殺三良而死。罪百里奚而非其罪也。故立號曰繆。然則謚秦繆。蓋自以秦事耳。風俗通亦曰。穆公受鄭甘言。置戎而去。逮黃髮之謀。而遇毅之敗。殺賢臣百里奚。以子車氏爲殉。詩黃鳥之所爲作。故謚曰繆。則穆公之爲繆久矣。百里奚。孟子稱其去虞適秦。以爲智。若卒不能免其身。豈所謂盡及之者與。

晉文  
赦里  
見須  
斬顛  
顛

晉文公赦里見須。使驂乘於國中。而國之人皆曰。夫里見須且不誅而驂乘吾何懼焉。於是晉國大寧。則赦里見須之以也。田於圃陸。期以日中。而公有所愛者顛顛後期。吏請其罪。文公墮涕而憂。吏曰。請用事焉。遂斬顛顛之脊以殉。而後百姓皆懼曰。君於顛顛之貴重如彼甚也。而君猶行法焉。況於我則何有矣。文公見民之可戰也。於是遂興兵東伐。一舉而有功。故文將釋怨以昭德。則封必先乎首讎。將欲樹信以立威。則誅必加于深愛。漢高祖



楚賢相稱  
令尹  
子文  
孫叔敖

封雍齒而誅丁公。用此道也。

楚之賢相稱令尹子文。孫叔敖。子文相成王。叔敖相  
莊王。兩人先後相楚。不大遠。而其性行亦絕相似。  
論語稱子文三仕爲令尹。無喜色。三已之。無愠色。  
而莊子亦稱叔敖三爲令尹而不榮華。三去相而  
無憂色。其喜怒不形如此。戰國策稱令尹子文繼  
帛之衣以朝。鹿裘以處。未明而立於朝。日晦而歸。  
食朝不謀夕。無一日之積。薦其爵貧其身。以憂社  
稷者。令尹子文是也。而春秋列傳亦記孫叔敖之

孫叔敖  
教諸  
孔明  
孔明  
孔明

爲令尹。妻不衣帛。馬不食粟。常乘棧車。牝馬。羊之裘。其恭儉之行。又如此。子文之族。嘗有干法者。廷理拘之。而釋之。子文讓之。謂吾族之犯法甚明。而使廷理緣吾心而釋之。是吾不公著於國也。廷理懼而刑之。而成王爲出廷理。艾臘之爲相。虞丘子之所薦也。虞丘子之族犯法。而叔敖執而殺之。其秉直奉公。不以已阿私撓法。又皆如此。

諸葛孔明曰。昔孫叔敖乘馬。三年不知牝牡。稱其賢也。可謂憂國忘私之至矣。古文苑孫叔敖祠碑不

知誰氏作。謂敖相楚廷。堅禹稷不踰。殆非聖論。若謂專國權寵而不榮華。一旦可得百金。至於歿齒。而無分銖之蓄。破玉玦。不以寶財遺子孫。終始如矢。去不善如絕絃。避患難於無刑。銜高節義。敦良奇介。自曹臧孤竹。吳札子罕之倫。不能駭也。立溷濁而澄清。處幽暗而昭明。其遺武餘典。恨不與羲皇帝同代世。其意常累累若冠章甫而坐塗炭。病甚臨卒。無棺槨。以歛葬。蓋綜其實云。惜春秋左氏不詳記其事行。史記循良傳亦落莫。它紀載散出。

無倫。若楚莫敖子華稱自先君文王以至威王有  
憂社稷之臣。謂廉其爵。貧其身。以憂社稷者。乃推  
令尹子文而不及叔敖。闔且以令尹子常問其賈  
聚馬。稱令尹子文先恤民而後已之富。亦不及叔  
敖。不知曷以故。蓋不可致矣。

楚子聞令尹子文之貧也。於是每朝設一束脯。一筐  
糗。以益子文之祿。而子文逃之。或問人生求富。而  
子逃之何也。曰。夫從政所以庇民也。民常貧而我  
取富。是勤民以自封也。死無日矣。我逃死。非逃富。

子文之貧

也。齊慶氏敗，公與晏子叩殿，其郤六十弗受。子尾曰：「富人之所欲也，何獨弗欲？」曰：「慶氏之邑足欲，故亡。吾邑不足欲也，益之耶？殿乃足欲，足欲亡，無日矣。吾非惡富也，惡失富也。嗚呼！世知有富而已，孰惡而逃之乎？抑孰知逃富之爲逃？死惡富之爲惡，失富乎？夫是固非二子之心也。然理不越是矣。夫以富死，或求富而失之者，不多有之與？雖然，乃二子者，則誠無以富爲也。子文爲令尹四十年，緇布之衣以朝；鹿裘以處，家無一日之燕。晏子一狐裘

兩書皆紀荀吳伐鼓而稍異

三十年。澣衣濯冠以朝。祀其先人。豚肩不掩豆。其取用於天地也甚薄。夫既已貧其身。而富其家矣。爲故誠無以富貴爲者。斯無有乎富貴矣。

左傳。晉荀吳帥師伐鮮虞。圍鼓。鼓人或請以城叛。穆子弗許。左右曰。師徒不勤。而可以獲城。何故不爲。穆子曰。或以吾城叛。吾所甚惡也。人以城來。吾獨何好焉。故鼓人殺叛者。而繕守備。圍鼓三月。鼓人請降。告食竭力盡。而後取之。晉中行穆伯攻鼓。經年而不能下。魏問倫曰。鼓之嗇夫。間倫知之。請無

疲士大夫而鼓可得。穆伯不應曰。間倫之爲人也。佞而不仁。若使間倫下之。吾不可以不賞。若賞之。是賞佞人也。佞人得志。雖得鼓。安用之矣。兩書皆紀荀吳伐鼓而稍異。左傳云。圍鼓三月克之。而彼云經年。然其寧失鼓而內不欲用佞人之謀。外不欲納叛者之請。則仁義存焉。或曰。叛而納之。是黷道也。服而降之。不亦可乎。何必疲民勞師哉。佞人勿用。若其謀安可廢也。賞以金帛。不足以酬功乎。魯國之法。魯人爲人。臣妾於諸侯。有能贖之者。取金

類人而辭不受金

於府子貢贖魯人於諸侯來而辭不受金孔子曰  
賜失之矣夫聖人之舉事可以移風易俗而施後  
世非獨以適已之行也今國之富者寡而貧者衆  
贖而受金則爲不廉不受金則不復贖人自今以  
來魯人不復贖人於諸侯矣顏雝善事親子路義  
之而雝以非義執於衛將死子路請以金贖焉衛  
人將許之既而二三子納金於子路以入衛或曰  
受人之金以贖其私昵義乎子曰義而贖之貧取  
於友非義而何愛金而令不辜陷辟凡人且猶不



忍況二三子於由之所親乎子貢贖人而不受金  
過而爲義以自潔者也故夫子憂魯人之莫可繼  
也子路受人之金而以贖其私子路蓋與人共爲  
義矣故夫子嘉之子貢事見淮南子子路事見孔  
叢子

又呂覽魯國之法魯人爲人臣妾於諸侯有

能贖之者取其金於府子貢贖魯人於諸侯來而  
讓不取其金孔子曰賜失之矣自今以往魯人不  
贖人矣取其金則無損於行不取其金則不復贖  
人矣子路拯溺者其人拜之以牛子路受之孔子

魯公甫文伯卒而後宮爲之自  
從者三人

曰魯人必拯溺者矣孔子見之以細觀化達也

魯公甫文伯卒而後宮爲之自殺而從者二人焉敬  
姜曰斯子也必於婦人厚而於君子薄也撫其尸  
而不哭齊崔杼弑其君莊公賈舉州綽邴師公孫  
敖封具鐸父襄伊倮堙皆死焉祝佗父申蒯馯蔑  
又死焉皆嬖倖也國之士無死者晏子入枕尸服  
而哭興三踊而出曰人有君而弑之吾焉得死之  
而焉得下之晏子之哭而不爲之死也是耻爲婦  
人而殺以從之也賈舉州綽邴師公孫敖封具鐸

父襄伊僕埋視佗父申荆釀蔑非愛其死也是二  
八之死者也夫生則從之於昏死則殉之於難是  
妾婦皆有之而又何賞焉

子罕  
陽門

陽門之介夫死司城子罕入而哭之哀晉人之謁宋  
者反報於晉侯曰陽門之介夫死而司城子罕哭  
之哀而民悅殆不可伐也孔子聞之曰善哉覿人  
國乎詩云凡民有喪扶服救之雖微晉而已天下  
其孰能當之

見禮記檀弓篇

士尹池爲荆使於宋

司城子罕觴之南家之墻隳於前而不直西家之

潦徑其宮而不止。士尹池問其故。司城子罕曰。南  
家工人也。爲輓百也。吾將徙之。其父曰。吾恃爲輓  
以食三世矣。今徙之。是宋國之爲輓者。不知吾處  
也。吾將不食。願相國之憂吾不食也。爲是故。吾弗  
徙也。西家高。吾宮痺。潦之經吾宮也。利。故吾弗禁  
也。士尹池歸。荆王適興兵而攻宋。士尹池諫於  
荆王曰。宋不可攻也。其主賢。其相仁。賢者能得民。  
仁者能用人。荆國攻之。必不勝。而爲天下笑。遂釋  
宋而攻鄭。孔子聞之曰。夫修之乎廟堂之上。而折

衡乎千里之外者其司城子罕之謂乎

見呂覽召

類篇

一司城子罕也相宋而晉人不能怙其霸荆王不敢用其彊以宋國區區介二三大國之間而終子罕之世以其國又無兵患君子曰相得其人安事將

吳季札以其嗣君餘祭之命來聘請盡觀周樂是年五月閭已弑吳子餘祭則季子實在疚矣自魯如齊如鄭如衛又自衛將之晉宿於戚孫文子之邑也聞鍾聲焉時衛獻公未葬曰異哉夫子君在殯

而可以樂乎。遂去之。文子聞之爲之終身不聽琴瑟。觀樂與其擊鍾何以異。夫季子獨非其君之喪歟。其君死于弑季也。枕戈之不遑。而觀樂何居。且已不能其君。而謂他人耶。王深寧氏亦疑之。予按杜預注。吳子餘祭既遣札聘上國而死。札以六月到魯。尚未聞喪。以經傳攷之。不誣矣。吳僻處荒服。雖暫通上國而言凶之間。不能以時至。故札非特在魯。且終其使事。蓋亦未之及聞也。不然已則無禮。而何以服孫文子乎。

越王  
伐吳  
五人  
其地  
窮追  
以及  
其國

金匱要略

卷之二十一

七

越世家云楚威王大敗越殺王無彊盡取吳故地至  
浙江是則吳越本以一江之限也吳伐越越王迎  
擊敗吳師于檣李越因伐吳敗之姑蘇檣李吳地  
名卽今嘉禾姑蘇又吳國都豈越先吳未殄而擊  
吳遂入其地迎吳師敗之窮追以及其國耶賈逵  
乃以檣李爲越地誤也其後越又興師伐吳吳王  
聞之悉精兵以伐越敗之夫椒杜預曰夫椒吳地  
太湖中椒山賈逵則又以爲越地司馬貞亦曰太  
湖中椒山非戰所也且夫差以報越爲志又伐伐

當至越地何乃不離吳境近在大湖中。是司馬徒見吳世家吳王悉精兵以伐越不知參以越世家越王不聽范蠡之諫先吳未發而興師也。國語亦以爲敗之五湖張勃吳錄云五湖者太湖之別名以其周行五百餘里故以五湖爲名是也。蓋越又先伐吳深涉其地而吳擊敗之耳。越王乃以餘兵五千人保棲于會稽。吳王追而圍之則吳王旣以敗越因亦窮追以及其國都也。



金匱要略中篇卷之二十一

金壘子中篇卷之二十二

明上虞陳 終用揚甫著

會稽陶望齡周望甫閱

同邑車任遠遠之甫校

男陳 昱輯

孔門  
三世  
出妻

世謂孔門三世出妻。按檀弓。子思之母死於衛。注伯魚卒。其妻嫁於衛。則非出也。然嫁母出母等耳。喪服小記。爲出母齊衰期。爲父後。則無服。注不敢以已私廢所傳重之祭祀。疏母犯七出。爲父所遣而

母子至親義不可絕父若猶在子皆爲出母服若父歿則適子一人不復爲母服所以然者已係蒸嘗不敢以私親廢先祖之祀故無服今考世本自孔子以後數世皆傳一子則子思子上皆應爲父後之子伯魚死子思之母死而子思尚欲爲之服

鄭康成注云

說者謂子思哭嫂爲位必非長適是或一義然又哭於廟而門人譏之子上則子思在猶未爲後而子思獨不聽子上之行服似不恕矣豈子思爲人嚴毅其流少恩或子上之母必有得

孔子  
嘗許  
伯魚  
喪其  
出母

罪浮於出者而子思故重之深以至此耶此大賢  
上事非世俗所容輕議然檀弓一篇記變禮而無  
害於義者則曰自某之爲之也記變禮廢禮則曰  
自某始孔氏之不喪出母自子思始也蓋非之矣  
而朱子獨以子思爲守禮是何也

孔子嘗許伯魚喪其出母至於期而猶哭子思則哭  
庶氏之母於廟獨不使子上之持服張子朱子皆  
據禮出妻之子爲父後者無服以子思爲守禮其  
解道隆則從而隆道汙則從而汙朱子曰子繼祖

與祖爲體出母旣得罪於祖則不得入祖廟不喪  
出母禮也恐古者爲出母本自無服違德下衰時  
俗方制此服聖人固用古禮亦有隨時之義故伯  
魚之喪出母孔子亦令伯魚喪之子思自謂不能  
如此故但守古之禮而已其實子思正禮孔子却  
是變禮也古註鄭則云爲出母期父卒爲父後者  
不服耳故孔氏之不喪出母自子思始也記禮所  
由廢非之孔疏按喪服齊衰杖期章出妻之子爲  
母又云出妻之子爲父後者則爲出母無服傳云

與尊長者爲一體不敢服其私親是也子思旣在  
子上當爲出母有服故門人疑而問之其解道隆  
則從而隆道汙則從而汙孔氏道猶禮也禮有可  
隆則從而隆父在爲出母加厚爲之著服道汙汙  
猶殺也若禮可殺則從而殺謂父卒子爲父後上  
繼至尊不敢私爲出母著服按二說不同緣解爲  
父後一句鄭孔則謂須父卒適長子方得名之若  
父在則主祭者父無嫌於服張朱則以適長子卽  
爲父後不論父在父歿所以不同恐鄭孔得之漢

出妻  
之子  
為父  
後者  
无服

詔有賜民當為父後者爵一級曰當為父後則父  
在尚未為後也喪服小記曰為父後者為母出無  
服無服也者喪者不祭故也為喪者不祭而不敢  
服其為父歿而始傳重主祭可知

儀禮出妻之子為父後者則為出母無服傳曰與尊  
者為一體不敢服其私親也宋范文正公蚤孤母  
夫人謝改適長山朱氏因挈公育于其家公稍長  
始感寤家世流涕之南京就學登第乃迎母夫人  
以養母卒喪之三年既天子用公貴贈母吳國夫

人與公會祖祖及考同命而歐陽文忠公著公神道碑獨不書公丁母夫人憂一節豈以公之喪嫁母如母爲獨踰於禮而爲之諱者與當公之居母夫人憂也晏元獻公適尹南京屈致教導諸生從之者多有聞於時而又以其時上相府書且自謂上書言事爲居喪踰禮而不自知公之居喪已自踰禮陸象山亦嘗與呂東萊書謂文正雖近世大賢而居喪教授天下事理固有愚夫愚婦之所與知而大賢君子不能無殺者夫以居憂授徒爲大



胡致堂本  
生母  
歿亦  
不鮮  
官干  
服

賢君子之救而曾不謂公以三年居嫁母夫人之  
憂謂大賢君子之過斯又何也

宋郭積幼孤母邊更嫁王氏既而母亡積解官服  
喪知禮院宋祁言積服喪爲過禮詔下有司博議  
用馮元等奏聽解官申心喪解官不持服申心喪  
自積始石中立薨子繼死無它子其孫祖仁疑所  
服下禮官議同知太常禮院宋敏求謂宜爲服三  
年解官斬衰同僚援据不一判寺宋祁是其議遂  
定爲令而文文山先生伯祖母梁先生父儀本生

元元  
感著  
論三  
年之  
喪必  
三十  
六月

毋改適劉卒時先生父已捐館先生新差江西提  
刑以服制未定請於朝作優聽請增適臺臣高黃  
石論其不職未及得報遽解官遂以義起照承重  
例心制三年論者遂謂文山有重服匿不舉至梓  
龍溪友議行天下哭齋歐陽秘書守道爲或問以  
解之文山亦自爲通廟堂一劄子辨明其事且請  
得朝廷討論墳典禮意播之邸報著爲令式得旨  
許令承心制著爲令益先生係祖母母旣他適而  
父復別繼致有斯疑不然卽祖祖仁已是故事又

或問喪畢之月遇有西馬則如何

何請耶。然龍溪諸人遽爾指擿名高爲累古人難之矣。

宋何澹進御史中丞澹有本生繼母喪乞有司定所服禮寺言當解官澹引不逮事之文乞下給諫議之太學生喬嘉朱有成等移書於澹謂足下自長臺諫此綱常之所係也四十餘年以所生繼母事之及其終也反以爲生不逮事而不持心喪可乎奉常禮所由出顧以臺諫給舍議之識者有以窺之矣澹乃去終制澹自有母而由人言以執喪

兄則死而子皐爲之衰可嘆也。按隋書元寧令李公孝四歲喪母。九歲外繼其後父。更別娶後妻。至是而亡。河間劉炫以無撫育之恩。議不解任。劉子翊駁之曰。傳云繼母如母。與母同也。當以配父之尊。居母之位。齊杖之制。皆如親母。又爲人後者。爲其父母。其服其者。自以本生。非殊親之與繼也。父雖自處旁尊之地。於子之情。猶須隆其本重。是以令云爲人後者。爲其父母。並解官。申其心喪。父卒。母嫁。爲父後者。雖不服。亦申心喪。其繼母嫁。不解

官此專據嫁者生文耳。將知繼母在父之室則制同親母。若謂非有撫育之恩。同之行路何服之有乎。服既有之心喪焉。可獨異。子思曰爲後也。妻爲白也。母定知服以名重情。因父親所以聖人敦之以孝慈。弘之以名義。是使子以名服。同之親母。繼以義報等之。已生如謂繼母之來在于出之後。制有淺深。考之經傳。未見其文。昔長沙人王忬。漢末爲上計詣京師。旣而吳魏隔絕。忬於內國更娶生子昌。忬死。昌後爲東平相。始知吳之母亡。便情繫

居重不攝政事。於時議者不以爲非。然則繼母之  
與前母。於情無別。若要以撫育始生服制。王昌復  
何足云乎。事奏竟。從子翊之義澹。事適與公孝類。  
子翊之議悉矣。而當時禮官學生。不知引以爲證。  
故併及之。

朱子語類一段問某人不肯丁所生母

憂曰。禮爲所生父母。齊衰。其律文許須心喪。若所  
生父母再娶。亦當從律。某人是也。又問若所父與  
所繼父俱再娶。當持六喪乎。曰。固是。按問答內所  
云某人者。正謂澹也。

宋孫冲舉明經書併喪父服

胡致堂康侯弟之子也。初生其母以多男欲不舉。時康侯未有子。而康侯夫人夢大魚躍盆水中。急往取而子之。後康侯連舉兩子宏寧。致堂亦竟不歸所生。而致堂本生母歿。亦不解官持服。斐然集中有與秦丞相書。言之甚悉。卒爲右正言。章夏所劾。謫置新州。見史本傳。夏劾秦檜意也。致堂每讀史亦惓惓發明爲人後者之義。謂不得復顧其私親。蓋斬以自見。而不悟康侯自有子。其爲人後者。雖爲其父母期。而心喪解官。必終三年。蓋情之所不

庶子  
為其  
母雖  
母在  
皆得  
以終  
喪三  
年

能遠而亦禮之所許者。曾大儒君子而不辨此乎。此於致堂曾不得為小失也。

晉賀羣婦陶其弟喬

婦無子。乞羣小息。率於孩抱。子字之。及暮。喬妾張生子。篡。驃騎將軍顧榮謂羣曰。喬已有男。宜使率還。后羣亡。率漸長成。向喬乞還。表於朝。母陶復有辭。尚書張閭總於議。令率還陶。竊意致堂宜尋率。此不然。與為人後。亦可畏耳。

李彭山說理會編。謂二年之喪。禮家以為二十七月而終。此必衰世之制。短喪之漸也。子生三年。然後



免於父母之懷。豈有二十七月。即可免喪之理。況魯宣公新宮災。在薨後二十九日。其時主猶在寢。可見喪不止於二十七月矣。予按魯文公二年。書丁丑作僖公主。公羊注云。禮練主十三月。文公亂聖人制。欲服喪三十六月。故十九月作練主。是春秋時已有斯議。漢文帝遺詔。令天下吏民服喪以三十六日者。三年之喪故也。所謂以日易月也。故當時翟方進以漢相之重。服後母喪亦三十六日。以爲不敢違國家之制。而唐書儒林傳有王元感

雜記三年之喪或遺之酒肉則何如之

者亦著論三年之喪必三十六月因深詆禮儒之非云

喪不計閏閏在三年之內也今夫三年之喪二十五  
月而畢或二十七月而畢而畢之月遇有閏焉則  
何如按晉書禮志寧康二年七月簡文帝崩再周  
而遇閏二十五月也博士謝攸孔繁議魯襄二十  
八年十二月丁未楚子卒實閏月而言十二月者  
附正月於前月也喪事先遠則應用博士吳商之  
言以閏月祥右衛將軍殷康曰過七月而未及八

月豈可謂踰朞。驍騎將軍袁宏曰。漢書以閏爲後九月。明其同體也。散騎常侍鄭襲曰。閏是後七而非八也。豈踰月之嫌乎。尚書令王彪之獨曰。丞相桓公嘗論云。禮二十五月大祥。何緣越朞取閏。廼二十六月乎。叅詳一代大禮。宜準經典。陽秋之義。閏在年內。則略而不數。明閏在年外。則不應取之。以越朞忌之重。禮制祥除。必正朞月故也。於是已酉晦。帝除縞卽吉。而徐廣論曰。禮宜從重。喪易寧戚。順情通物。固有成言矣。彪之不能徵援正義。有

涉  
惠  
不長  
松傳

以相屈。執政從而行之。其殆固矣。

宋孫冲傳。冲舉明經。歷鹽山麗水主簿。嘗併喪父母。去官。有司循五代故事。必六年乃聽調。冲援古制。以書干宰相。不聽。按宋史禮儀志。御史臺言。文武官。併丁憂者。相承服五十四月。別無條例。下太常禮官議。議曰。按禮喪服小記云。父母之喪。偕先塋者。不虞祔。待後事。其塋服斬衰。注謂同月或同日死也。先塋者。母也。其塋服斬衰者。喪之隆衰。宜從重也。假令父死在先月。而同日塋。猶服斬衰。不塋。

不變服也。言其墓服斬衰。則虞祔各以其服矣。及祥練皆然。卒事反服重。雜記云。有父之喪。如未沒父喪。而母死。其除父之喪也。服其除服。卒事反喪服。注。沒。猶終也。除服。謂祥祭之服。卒事。既祭反喪服。服後死者之服。又杜預云。若父母同日卒。其墓先母後父。皆服斬衰。其虞祔。先父後母。各服其服。卒事反服父服。若父已墓而母卒。則服母之服。虞訖。反服父之服。既除練。則服母之服。喪可除。則服父之服。以除之。訖。則服母之服。賀循云。父之喪未

三

終又遭母喪。當父服應終之月。皆服祥祭之服。如除喪之禮。卒事反母之服。臣等參攷典故。則是隨其先後而除之。無通服五十四月之文。請依舊禮改正。詔從之。冲事不知與御史臺之奏。太常禮院之議。孰先後。然禮官之議備矣。冲所遺書。當不出此。如宰相不學何也。

近蔡虛齋提學江西時。饒州

府學生周鴻呈。母董氏弘治十六年八月故。次年閏七月父故。鴻居喪三十九箇月。母喪雖終。父喪尚缺一十五箇月。況廬墓未滿二年。乞容在外廬。

墓私補父服先生移文曰先王制禮不容少有過  
不及之差周鴻母喪幾一載繼喪父則父母之哀  
一時俱以作於其心而父母之服及一切喪事俱  
不容不並行於外矣乃今於母喪二十七箇月之  
外復修父服如此則是母服未滿之先其哀父之  
念能遏之使不行格之使有待乎宜無是理也蓋  
雖過厚之意實非中正之行吾所期於鴻者要在  
爲善於獨不求甚異於人

廖子爲其所生毋按大明令齊衰朞年而注謂嫡毋

在庶  
子為  
生母  
三年  
服

在室意嫡母不在室則齊衰者三年也。然是時子為母雖三年而亦齊衰。蓋是書頒行於開國之元年。正當庶事草創。禮樂未遑之際。而孝慈錄成於洪武七年。始斷自宸衷。著為定制。子為母雖父在。庶子為其母。雖母在。皆得以終喪三年。蓋以天子之制。而伸人子之情。則父固不得壓其子。母亦不得而壓其庶子也。此亦當於天理而較於人心。所以破百代沿承之陋。而立萬世常行之典者至矣。



居服不飲酒聽樂

金罍子中篇

卷之二十一

十一

雜記三年之喪。如或遺之酒肉。則受之必三辭。主人衰絰而受之。注受之必正服。明不苟於滋味。疏曰。雖受之而不得食也。尊者食之。乃得食肉。猶不得飲酒。故喪大記曰。既葬。若君食之。則食之。大夫父之友食之。則食之矣。不辟梁肉。若有酒醴。則辭。是不得已而食肉。猶不飲酒。蓋以酒能變性。尤易忘哀故也。有問喪禮不飲酒食肉。若朝夕奠及親朋來奠之饌。則如之何。朱子曰。與無服之親可也。又曰。喪葬時。只當以素食待客。祭饌。軍食。只可分與。

居喪  
讀書  
不習  
祭

僕從。又問居喪爲尊者強之以酒當何如。朱子曰。若不得辭。則勉徇其意亦無害。但不可至沾醉。食已復初可也。問坐客有歌唱者。如之何。曰。當起避。若到於必不得已處。猶可飲酒。決不可聽樂。

南史徐爰頗涉書傳。尤長於傳會。世祖崩。公除后。晉安王子勛侍讀。博士咨爰。宜習業與否。爰答居喪讀喪禮。習業何嫌。少日。始安王子亮。博士又咨爰。爰曰。小功廢業三年。喪何容讀書。史譏其專斷。而失訂其是非。按朱子曰。居喪無不得讀書之文。古

人居喪廢業。業是筮簞上飯子。廢業謂不作樂耳。古人禮樂未嘗斯須去身。惟居喪然後廢樂也。故曰喪復常。讀樂章周禮司業亦是樂官也。則居喪讀禮初亦不妨讀書。而兩博士意主於讀書。問發於習業。則其問固已繆矣。然呂東萊制中下帷。朱子亦遣其子就學。而陸象山毅然非之。移書東萊謂儼然憂服之中。而戶外之屨常滿。爲大人君子之蔽。近世程篁墩以爲卽此一事。亦可以見二先生於尊德性道問學各有所從入而致隆之意。若

主於陸。昔孔子孟子皆常居母之喪。今雖無從攷見其講學論道之實。而一則以門人治防墓之崩。一則以門人敦匠事。似亦未嘗謝遣生徒介然守其不語不問之節於三年之中者。至於葬魯反齊。則亦已非必柱楣之廬矣。且夫食蔬飲水。固不廢食。寢苦枕出。固不廢寢。繩纓菅屨。不廢衣服。柱楣剪屏。不廢居處。何讀書而廢之有。記父母之喪。非喪事。不言。既葬。君言王事。不言國事。大夫士言公事。不言家事。既練。君言國政。大夫謀家事。

諸史書起復某爲某官。緣朝廷貪用材舊。不欲使以  
三年釋位。方儼然在憂。遽起而復用之。記所謂奪  
人之喪。與自奪其喪。非嘉稱也。然多將相大臣。出  
於特命。以爲故事。其他亦有州府劇員。有司奏留。  
雖宋禮義立國。而其臣能跂情及禮。終奉几筵者。  
富弼王淮劉琪崔與之。不越數人。武帥則有田況。  
一人餘蓋多奪情矣。國初大臣。時不免此。自羅  
公倫一疏。然後人知耻諱。至於今且百年。鮮有以  
三年之喪從利者。前代數有也。然士大夫訖喪請

京投牒詣選曹。或進名狀於貴人之門。往往自稱  
起復弗攷矣。已祥禪而來里閭有勘結司府有憑  
由非躋其實何自誣以弗躋名乎。及廼臺府文移  
國家典章諸書。亦或公立科條踵襲訛舛。流聞後  
世。此非小闕矣。今大明會典百官終喪。赴部謁選  
用起復字。吏部稽勲司有起復科。王順渠羅念菴  
皆讀書翰林。集內上人書。與人作誌狀。往往書死  
復實非起復也。

伊川看詳學制云。士人遭祖父母喪。不得應舉。朱子

士人  
遭祖  
父母  
喪不  
得應  
舉

謂伊川此言。法令雖無明文。看來爲士者。爲祖父  
母。替服內。自不當赴舉。余按宋史舊制。替喪百日  
內。方應試。士人病之多。有冒哀竄籍。奔走京師。被  
罪者。天禧四年。學士晁迥言。請自今卑幼期。周聽  
令。應舉。天聖七年。興化軍進士黃價。赴舉。有叔爲  
僧。疑所服。禮官言。檢會勅文。替周尊長服。不得取  
應。又禮爲叔父。齊衰。替外繼者。降服大功。價合比  
外繼。降期之制。從之如此。則期長格試。宋氏祖宗  
以來。有令式明文矣。宋子謂法令無明文者。豈渡

後漢  
晉魏  
畢竟  
風俗  
返古

江之後經亂之餘載籍軼亡無所遵守故耶竊惟  
祖父母正統之期最重古者天子諸侯絕旁期大  
夫降於祖父母之期不絕亦不降女子外適盡降  
其旁親而獨於祖父母甚而不敢降

後漢戴封光祿主事遭伯父喪去官譙玄遷太常丞  
以弟服去職晉稽紹爲徐州刺史以長子喪去職  
桓冲版王薈補江州刺史時薈始遭兄邵喪將塋  
辭不出魏李岳居墓之慘未嘗聽婢過前南宋王  
景文爲司徒左長史坐姊墓開不臨赴免官畢竟



晉猶謹嚴  
礼教

風俗近古。清議尚在。

○晉陳壽在蜀時遭父喪。有疾使婢丸藥。客往見之。鄉黨以爲貶議。及蜀平。坐是沉滯累年。楊旌有伯母服未除而應舉孝廉。天水中正姜鋌。博士韓光。議以爲旌本周喪之戚。猥當貢舉。應貶。司隸荀愷。從兄喪。自表赴哀。詔聽之而未下。愷廼造楊駿尚書左丞傅咸奏。其急諂媚之敬。無友于之情。宜加顯貶。以隆風教。世子文學主籍之。居叔母喪而婚。東閣祭酒顏含在叔父喪。嫁女。廬江太守梁龕。明

日當除婦服。今日請客奏妓。同會丞相長史周顗等三十人。丞相司直劉隗皆劾奏之。梁州刺史楊欣有姊喪未經旬。車騎長史韓預強聘其女爲妻。中正張輔爲貶預。周伯仁有姊喪三日醉。姑喪二日醉。大損物望。淮南小中正王式繼母終。式父喪。議還前夫家。式自云父臨終。母求去。父許諾。於是制出母齊衰。朞。卞壺爲御史中丞。奏是母以子出。式虧損世教。不可以居人倫。詮正之任。詔式付鄉邑。清議廢棄終身。明帝崩。國喪未朞。尚書梅陶私

奏女妓鍾雅爲御史中丞。奏陶無大臣忠慕之節。先皇帝崩。喪未朞月。而聲伎紛葩。絲竹之音。流聞衢路。宜加放黜。以肅王憲。按晉世風俗。頽敗禮教。陵夷而法度之士。猶正色引經。小見遠闕。輒相舉正。凡此數事。皆近世流俗之所易犯。而縉紳大夫。且相習翫以爲當然者。由是觀之。則後世之隆禮由禮。不如晉世之謹嚴者多矣。

宋劉炳與弟煥皆官侍從。而親喪不葬。坐奪職罷郡。當徽宗朝。雖姦黨恣行。而清議尚立如此。內殿

禮女子嫁服其夫斬而降其父母其父母

崇班鄭從易母已俱亡嶺外歲餘計聞請行服神宗曰父母在遠當朝夕爲念經時無安否之間以至年餘不知存亡耶特除名勒停除名勒停名教罪人庶幾不辱縉紳矣

禮女子嫁服其夫斬而降其父母其夫者父母其何也曰婦人不二斬也父者子之天夫者妻之天在家從父出嫁從夫夫死從子故女嫁則移天矣不二天故不二斬也既服夫斬則推夫之重喪夫之父母亦以其喪夫之父母亦以其夫

之父母。猶已父母也。情至而禮隆極矣。故婦爲舅姑喪。齊衰五升布。十一月而練。十三月而祥。十五月而禫。禫後門庭尚素。服青縑衣。以俟夫之終喪禮也。俗以爲吉凶異其夫。因循亦同夫之服。紀唐貞元十一年。河中府倉曹參軍蕭據覺其非。請於朝。下禮官議。太常博士李岩曰。父母之喪。尚止周歲。舅姑之服。無容三年。請求禮經。以正風俗。後唐復定三年之喪。宋興孝明皇后。服昭憲太后喪三年。故乾德二年。判大理寺尹拙。少卿薛允中等奏。

齊禮  
既納  
幣有  
吉日  
而女

三年之內。凡筵尚在。天居苦塊之中。婦被羅綺之飾。夫婦齊體哀樂不同。乞令舅姑之喪。婦從其夫。齊斬三年。於義為稱。右僕射魏仁浦亦請如後唐制。詔從之。既違不二斬之義。於是婦適夫家。始覺偏重。而於生身之恩。反落莫矣。舅姑之服。唐初家婦大功。衆婦小功。顏師古以猶子之婦。並服大功。請衆婦大功。家婦以升。

昏禮既納幣有吉日。而女之父母死。壻之父母死。其女若壻曷故焉。於義則無絕也。於禮則無嫌也。曷

父  
之  
父  
女  
死  
婿  
之  
父  
母  
死  
則  
如  
之  
何

爲與其人有百年之約。而曾不能以三年須乎。謂  
貴夫男女之時也。蓋卽其初致命而更娶嫁。又必  
俟夫女若壻之免喪。旣以免喪而卽吉矣。此守制  
待期之男女曷故。而必確守前言。迄渝大盟。非野  
於禮者之爲是言乎。按黃氏日抄云。謂不得嗣爲  
兄弟者。言遭喪不得成婚爲夫婦。未成婚。故托兄  
弟爲辭。遭喪之餘。無望生全。故以此辭於女。女不  
敢嫁而待之。服除而後成婚。壻之於女。氏父母死  
亦然。羅氏困知記云。言弗取弗許者。免喪之初。不

取女有吉日而女死何如之

忍遽爾以吉。故辭其請。亦所謂禮辭也。其後必再  
有往復。昏禮乃成。聖人雖未嘗言。固可以義推也。  
二氏之解。其庶乎得禮意矣。

曾子問曰。取女有吉日而女死。如之何。孔子曰。昏齊  
衰而弔。既葬而除之。夫死亦如之。鄭注。未有期三  
年之恩也。女服斬衰。曰未有期三年之恩。則服從  
何生。然則既葬而斬衰之服除。男取女嫁。其爲禮  
之所許也明矣。

宋大中祥符八年。廣平公德彞聘

土顯孫女。將大歸而德彞卒。疑其服制。禮官以反自



禮嫂  
叔不  
通問

子問女服斬衰於室。卽塋而除。或未塋。但出櫛。卽除之。

禮嫂叔不通問。又曰叔嫂之無服也。蓋推而遠之也。鄭注以爲昆弟之妻。夫之昆弟。不相爲服。不成其親也。男女無親。則遠於相見。孔疏亦曰。此兄弟之妻。夫之兄弟。旣無尊卑。嫌於褻瀆。若其成服。則數相聚見。姦亂易生。故令之無服。曰不相見。則其明微別嫌。又不止於不相通問。不相爲服矣。晉阮籍嫂嘗還家。籍見與別人或談之。籍曰。禮豈爲我輩。

禮為舊君有服

設也。方悟去古未遠，雖晉人猶知謹禮如是。

禮為舊君有服，而雜記違大夫之諸侯不反服，違諸侯之大夫不反服。解者謂尊卑異體，不反服舊君，皆以避新君也。則惟新君與舊君皆諸侯，然後無嫌於服耳。是時雖天子在上，而諸侯亦各自為其國君。由是以降，則禮固曰大夫不稱君，仕於大夫之家者曰僕，已皆無君臣之分之可言矣。況異時封建為郡縣，而天下大君廼惟一人乎？然自東漢隆辟舉尚節俠，怨惠大明，報施過當，士由曹掾而

升王朝有往往輕千里解官奔故主之喪。至於治  
塚廬墓行服三年。下逮魏晉黃輩。又伏法違科之  
死靡悔。以相高尚。於是背公死黨之議成。迷國罔  
上之俗作。左官外附之法繁。而奸雄乘間展拓私  
門。樹置私人。天子孤立。而篡竊襲踵矣。昔者管仲  
遇盜取二人焉。上以爲公臣。日其所與游。辟也可  
人也。管仲死。桓公使爲之服。宜於大夫者。之爲之  
服之也。自管仲始也。有君命焉爾也。疏官於大夫。  
爲公臣。不合爲大夫着服。

檀弓。君臨臣喪。以巫祝挑薪執戈。惡之也。所以異於生也。喪有死之道焉。先王之所難言也。宋劉原父氏著論。深非之。以爲臣死。君親哭之。所以致忠愛而乃惡之。非禮也。周之末造也。劉氏之論。得禮意矣。予謂古者天子。蓋出戶而巫覡有事。出門而宗祝有事。乘大路。越席。側載畢芷。寢兕持虎。蛟韞絲臂。彌龍。庶士介而坐道。蓋一出入。而所以祓除不祥。警戒非常。若是具也。豈待臨臣喪。惡其死而然乎。至於君臨臣喪。則喪大記言之。雖巫至門。猶恐

主人惡之而用祝。況桃荊執戈。惟臨士之喪。亦以祝代巫。小臣二人執戈先。二人後。故鄭注孔疏。皆以爲檀弓特據天子禮也。昔柳莊之卒。衛侯不說祭服而往。故王有大臣之喪。亦有不待其襲者。用此禮也。若諸侯臨臣之喪。雖未襲。巫止於門外。使祝代巫。執荊先入。小臣執戈。死之明日。旣襲及殮殯以來。天子諸侯並巫止祝代。無桃荊小臣執戈也。周禮春官男巫王吊則與祝前。故知此皆天子禮也。

曲禮 哭日 不歌 論語 子於 是日 哭則 不歌

曲禮哭日不歌。論語子於是日哭則不歌。伊川先生因謂賀吊不同日。深矣。鄭康成注禮乃云哀未忘也。專解哭後。朱子集註論語川之。皆逗却日字。且如一日之間。聞人之喪。欲往哭之。未哭之前。謂尚可歌乎。是不以情居哀。而哭爲無從之涕也。故生與人相知。死而往哭之。是日也。將哭則已有未發之哀。自不容歌。已哭則猶有未忘之哀。亦不能歌。故曰哭日不歌。又曰是日哭則不歌。知此則可以証程蘇當日之是非。蓋不辨而自明矣。

哭日  
不歌  
樂飲  
酒

曲禮哭日不歌檀弓吊於人是日不樂又日行吊  
之日不飲酒食肉焉夫自朝至於日中曷謂之日  
吊與歌不樂不飲酒食肉則一日七情惟哀爲易  
感而難化誠敬之至故也故未哭吊而已哀不歌  
不樂不飲酒食肉既哭吊而猶哀不歌不樂不飲  
酒食肉故不歌不樂不飲酒食肉皆日日君子  
哀樂不同日又日以全哀日以全哀則所謂餘哀  
未忘祇覺其欠矣

晉時帝欲納后而尚書左僕射王之重重於救日

彬卒議者欲節期孔坦曰婚禮

大臣喪與過后喪同

食救日食。有后之喪。太子墮井則止。納后盛禮。豈可以臣喪而廢從之。按大臣之喪。與后之喪。正爲一例。尊卑不同。要爲君皆與有變焉。雖日食納后。皆常事也。故可以后之喪。廢日食之救。亦可以大臣之喪。緩納后之期。坦乃以后婚比后喪。寧以喪婚不欲卻期。此謂有夫婦。無君臣。失常變輕重矣。宋杜鎬從幸澶淵。遇懿德皇后忌日。疑軍中鼓吹之禮。時鎬先還。備儀仗。命馳騎問之。鎬以武王載木主伐紂。前歌後舞爲對。按忌日不樂。禮也。武王



宋重  
大臣  
之喪

載木主伐紂。前歌後舞。則於書未之聞。此俗儒傳會。佞臣矯誣。而人臣以對其君。不敬之大者矣。

宋太平興國元年十月七日。叅政竇偁卒。明日太宗臨其喪還宮。卽令罷宴。天禧元年九月。長春殿宴。餞節度使張旻。以王旦在殯。不舉樂。嘉祐六年三月。宰臣富弼母薨。禮院請罷春宴聲樂。詔并罷春宴。

歌哭  
不同  
口為  
足

元祐元年九月一日。司馬溫公薨。六日明堂肆赦。諸公賀赦畢。欲往吊喪。伊川先生曰不可。于於是

日哭則不歌。或曰：不云歌則不哭。東坡素嫉程，遂以鄙語戲之。至今未有明言其是非者。近日何旰江、何燕泉皆謂伊川非是。朱子門人有問此事，朱子答以可疑。或問：賀則不吊，而國家事體又重，則不吊似無可疑。朱子曰：便是不恁地。所以東坡謂子於是日哭則不歌，卽不聞云歌則不哭。若由哀而樂，則難由樂而哀，則甚易。且如早則樂而暮聞親屬之戚，不成道旣歌則不哭。道夫問：這事且看溫公諱日。與禮成日同，則吊之可也。或曰：已在先則

更差一日。亦莫未有害否。曰。似乎在先。但執不恁地。自是合如此。只如進以禮。退以義。罪疑惟輕。功疑惟重。天下事。自是秤停不得。則雖以朱子之深信程氏。而不能阿其所好。惟石堂陳先生云。此惟伊川爲是。溫公薨五六日矣。未吊者。門堂禮各致齊也。賀赦畢。隨往吊者。預辦一日行二事也。賀畢而吊。則其賀其吊。皆不誠。非與人交之道。亦非事君之禮也。必明日而吊。爲是不然。則賀畢始聞喪。疾往哭之。猶或庶幾。要之執禮者。亦不以爲可也。

質明  
不可  
同日

石堂之論甚精然其義始發於道夫天禧元年太尉王旦薨時季秋大享明堂其日發哀真宗疑之禮官言祠事在質明之前成服於既祠之後於禮無嫌詔可吉凶同日真宗猶疑之而禮官不知也則沿襲之繆而傳會之非也

程伊川先生謂賀吊不同日故不以郊畢賀赦之日往哭溫公東坡深譏焉雖朱子亦致疑之余竊以伊川之考禮精矣亡可疑者按宋史禮志南郊儀注郊禮畢是日帝御宣德門肆赦羣臣稱賀則

賀敬與郊祀禮成本一日。溫公薨則前此蓋六日矣。郊特牲曰。祭之日。喪者不哭。不敢凶服。曰不哭不凶服。而以日言之。雖既祭而猶不哭不凶服可知也。此無他爲敬之至故也。檀弓曰。吊於人。是日不樂。又曰。行吊之日。不飲酒食肉焉。曰不樂不飲酒食肉。而以日言之。雖將吊而已。不樂不飲酒食肉可知也。此無他爲誠之至故也。故祭之日而吊方祭而逆。有吊之心。於祭爲不敬。吊之日而賀將吊而先行賀之事。於吊爲不誠。夫以溫公六日之

喪雖及是不稅喪服而往吊之已不可言匍匐矣  
則盍亦姑差一日以分辨吉凶各致其誠敬非禮  
之善物乎

近荷亭程蘇曲直論曰或問司馬光之

卒百官方有慶禮事畢欲往吊願不可曰子於是  
日哭則不歌或曰不言歌則不哭軾曰此枉死市  
叔孫通制此禮也願怒遂成隙二人曲直何居曰  
百官方有慶禮卽朝廷之善事也錦衣繡裳遽變  
而素欣躍舞蹈遽變而哀伊川不可謂無見特引  
論語爲不切耳東坡之言何如曰戲侮也非忠信

也使伊川明義禮以正之彼將愧服不暇何必怒耶怒而成隙克已之未盡者也

曲禮  
君子已孤暴貴不為父作謚

曲禮君子已孤暴貴不為父作謚。注子事父無貴賤親疎暴貴是本為士庶今起為諸侯也謚者列平生德行而為作美號若父昔賤本無謚已今暴貴升為諸侯乃得制謚而忍為父作之如似鄙薄父賤不宜為貴人之父也。或舉武王為難鄭答趙商曰周道之基隆於二王功德由之王迹興焉。凡為人父豈能賢乎若夏禹殷湯則不然矣喪服小記

大宗  
小宗

父爲士。子爲天子諸侯。則祭以天子諸侯其尸服。以士服。註祭天子諸侯。養以子道也。尸服士服。父本無爵。子不敢以已爵加之。嫌於卑之。二者同義。禮有大宗小宗。指諸侯之別子。與繼別者而言。天子諸侯皆無宗。大夫以下則有宗。詩云大宗。毛傳以爲王者天下之大宗。是指天下宗之不謂族人之所宗也。鄭箋以爲大宗。王之同姓之適子。亦不指天子。孔疏曰。以天子諸侯皆絕其宗。名羅念庵嘗著宗論。見本集亦曰。諸侯以上。庶人以下。無宗法。



宗法  
立則  
甚重  
大宗

宗法爲公卿大夫設云

宗法立則甚重大宗。故白虎通云。禮服傳曰。大宗不可絕。小宗可以絕。大宗不可絕。故舍已之父。往爲後於大宗。所以尊祖重不絕大宗也。漢戴聖魏田瓊。晉范汪亦皆言。大宗不可絕。適子不爲後者。不得先庶耳。族無庶子。則當絕父。以後大宗。瓊又云。謂禮諸父無後。則祭於宗家。後以其庶子。還承其父。汪又因其子。甯不同。猶楊言之。無餘蓄矣。但以其庶子。還承其父。如此。則以昭繼昭穆繼穆。中間

祭不主

不免間隔一代。有禘祖之嫌。豈禮至窮處有變之不能盡通者。聖人亦無如之何與。

二程全書。伊川將屬纊。顧謂端中曰。立子。蓋指其適子端彥也。語絕而歿。既除喪。明道之長孫昂自以當立。侯師聖不可昂。曰。明道不得入廟。耶師聖曰。我不敢容私。明道先太中而卒。繼太中主祭者伊川也。今繼伊川。非端彥而何。議始定。或謂師聖曰。明道既死。其長子不當立乎。曰。立廟自伊川始。又明道長子死已久。況古者有諸侯奪宗。庶姓奪

嫡之說可以義起矣。況立廟自伊川始乎。尹氏注云此一段差誤。近世侍郎呂公枬亦曰此差必矣。雖伊川繼太中主祭亦未必然。余嘗竊疑之。豈大賢講禮而有未詳。至於易簣之際。爲此紛紛。侯師聖亦豈誣其師者。及考通典。晉元帝建武初。孫文上事宣帝支子。不應祭。竟郡京兆二府君僕射刁協云。諸侯奪宗。聖庶奪嫡。況天子乎。自皇祚以來五十餘年。宗廟已序。而文攻乎異端。宜加議罪。杜預曰。按梅福云。諸侯奪宗。此謂父爲士庶。子封爲

諸侯則庶子奪宗嫡主祭祀也在諸侯尚有奪宗  
況天子乎所云聖庶者謂如武王庶子有聖德奪  
代伯邑考之宗嫡也張子理窟亦曰天子建國諸  
侯建宗亦天理也譬之於木其上下挺立者本也  
若是旁枝大段茂盛則本自是須低摧又譬之於  
河其正流者河身若是涇流泛濫則自然後河身  
轉而隨涇流也宗之相承固理也及旁枝昌大則  
須是却爲宗主至如伯邑考又不聞有罪只爲武  
王之聖顧伯邑考不以承太王之緒故須立武王

所以然者。與其使祖先享卿大夫之祭。不若享人君之禮。至如人有數子。長者至微賤。不立其間。一子仕宦。則更不問長少。須是士人承祭祀。則其說與伊川合。蓋侯氏之誤。寔本於此。嘗因是論之。諸侯奪宗。謂諸侯也。聖庶奪嫡。謂天子也。卿大夫士則異於是矣。卿大夫士之不可以奪宗者。何也。古者天子世及。諸侯世子世國。大夫不世爵。諸侯之大夫不世爵祿。夫惟不世爵祿。將一再傳之後。而已復爲士庶人焉。大宗則百世不遷者也。故大夫

士之不可以奪宗者。重宗也。曰虎通曰。諸侯世世傳子孫。故奪宗大夫不傳子孫。故不宗。宋庠爵之曰大夫士尊不相絕。故必宗嫡而立宗。承別子之嫡。謂之宗子。收族合食。糾正一宗者也。故特加齊衰三月之服。至諸侯尊絕大夫。不得以太牢祭。卿大夫之家。是以經無諸侯爲宗服文。則知諸侯奪宗各自祭。不復就宗祭也。記孔子曰。宗子爲士庶子爲大夫。以上牲祭於宗子之家。祝曰。孝子某。爲介子某。薦其常事。張子亦曰。言宗子者。謂宗主祭。

祀宗子爲士。庶子爲大夫。以上牲祭於宗子之家。非特宗子之爲士。爲庶人亦然。朱子曰。今法長子死。則主父喪用次子。不用姪。若宗子法立。則用長子之子。然則大中之歿。明道雖先歿。伊川是支子。主祭主喪。自合明道之子若孫。伊川自不得主喪。大中之廟。雖始立於伊川。亦合立於明道之家。伊川亦不得主祭。而伊川立子之託師。聖奪嫡之議。以卿大夫。上偪於天子諸侯。而不自知大賢大儒倉卒議禮。愚於是終不能灑然也。

唐書禮樂志庚

合奠墓左

子官尊而立廟其主祭則以支庶封官依大宗主祭兄陪於位以廟由弟立已不得延神也或兄弟分官則各祭考妣於正寢至和二年因宋庠奏下兩制禮官詳定諸大臣皆得立廟或廟因衆子立而嫡長子在則祭以嫡長子主之嫡長子死卽不傳其子而傳立廟者之長孫伊川蓋用此制

鄭注合奠墓左爲父母形體在此禮其神也周禮冢人凡蔡墓爲尸固已明矣唐中書舍人武儒衡乃謂韓臯引漢官儀古不墓祭臣據周禮冢人之職



凡祭墓則爲之尸。古亦墓祭。但與漢家陵寢不同耳。安得謂之無哉。按周禮家人。凡祭墓爲尸。疏曰。禮墓神也。本文大喪既有尸。請度甫竈遂爲之尸。蓋始穿地將塋。祭以告於后土。又小宗伯成塋而祭墓爲位。是塋畢爲先人形體在此。故祭后土以安之。禮塋日反哭後。虞以前無他祭。其爲禮墓神省矣。古者祭必有尸。內祭則以孫。無則取之同姓。外祭則用異姓。故祭竈用庖人爲尸。亡國之社以刑人爲尸。祭外神故也。祭墓以家人爲尸。乃緣此。

朱子謂古者男有女皆有尸

墓祭祖考可乎。且墓期得卜雨霽先人之體魄猶在極塋也。謂墓祭祖考可乎。

朱子謂古者男女皆有尸。自周以來不曾說有女尸。想是漸次廢了。或問妣有尸否。朱子曰一處說無尸。一處說有男尸有女尸。亦不知廢於何時。愚按祭統云設同几通典曰夫婦共尸婦人祔從於夫同牢而食故共尸也。是夫婦止用男之一尸。以統於夫然士虞禮又稱男男尸女女尸。必使異姓不使賤者記少儀云婦人爲尸坐則不手拜鄭玄曰。

祭以  
主用  
木

夫婦雖合葬。及同時在殯。皆異几。體實不同。祭於廟。同几。精氣合。是異几。異尸。虞以前之祭。同几。同尸。祔以後之祭。耳。魏高克謂。今已葬之。魂人直求貌類者。事之如父母。燕好如夫婦。則祔以後祭。皆然。此自夷俗。宜乎損敗風化。壞亂情禮。誠不免矣。祭以主用木。神而明之也。古並用尸。則吾不解其謂。夫尸卑且幼者。於上。而羣尊從拜之。非儀也。使尸者有眴眴之情焉。則神安由棲立。影于堂。每一髮不相似。先儒謂之拜他人。況拜他人也。二士葬終。